

O'ZBEKISTON RESPUBLIKASI
OLIY TA'LIM, FAN VA INNOVATSIYALAR VAZIRLIGI
FARG'ONA DAVLAT UNIVERSITETI

**FarDU.
ILMIY
XABARLAR-**

1995 yildan nashr etiladi
Yilda 6 marta chiqadi

3-2023

**НАУЧНЫЙ
ВЕСТНИК.
ФерГУ**

Издаётся с 1995 года
Выходит 6 раз в год

X.Sh.Nomozov	
Internet-makon mohiyati, genezisi va zamonaviy tarkibi.....	328
U.R.Sobirova	
Huquq falsafasining jamiyat taraqqiyotidagi ahamiyati	332
A.Ch.Abdiyev, B.I.Xolyorova	
Ziyorat turizmi sohasida O'zbekistonning o'rni va imkoniyatlari	335
I.Rizayev	
Sinergetika: ijtimoiy tizimni tadqiq qilishdagi muammo va imkoniyatlar.....	339
R Mardonov	
Sharq va g'arb ta'lif falsafalarining o'zaro ta'siriga asoslangan madaniyatlararo muloqot	346
N.X.XakimovB.A.Nabiiev	
O'rta osiyoda hozirgi ekloviy muammolar va transfor suvdan foydalanish muammolari.....	350
X.Samatov	
Tasavvufda tariqat a'zolarining jamoadan alohidalanishi (ijtimoiy falsafiy tahlil)	358
H.Muhamadiyev	
Virtuallik yangi falsafiy kategoriya sifatida	365
D.B.Sharipov	
Tinchlikni ta'minlashning innovation omillari	370
X.R.Xolidaxon	
Xoja Ahror Valiy qarashlarida ilohiy muhabbat tushunchasining falsafiy tahlili.....	374

SIYOSAT

A.Z.Ismayilov	
Huquqiy ong tizimida huquqiy davlatchilik g'oyalari	378
J.Sultonov	
Markaziy Osiyo chegara muammolari yechimini konstruktivizm nazariyasi yordamida tahlil qilish	384

TARIX

B.Usmonov, D.A.Madalimov	
Temurning hayoti va shaxsiy fazilatlari Uilyam Devi hamda Jozef Uayt talqinida	392
M.Sh.Muzaffarjon	
O'zbekistonda turizmnning vujudga kelishi tarixi (XX asrning 20-30-yillari)	397
B.M.Abdullayev	
Farg'ona vodiysi qadim madaniyatlarining so'ngi bronza va ilk temir davrlari shaharsozligining shakllanishi hamda rivojlanishidagi o'rni va roli	405
N.V.Karimova	
Farg'ona vodiysi antik davr shahar topografiyasini o'rganilishiga oid.....	416
D.M.Turdiyeva	
Dinshunoslik fanining yuzaga kelishi va rivojlanishi.....	421
A.A.Aloxunov	
Arxeologik tadqiqot metodiga doir	425
A.A.Yo'ldashev	
XX asrning 20-yillarda ozarbayjonda ta'lif olgan turkistonlik yoshlar tarixidan.....	431
F.E.Atajanova	
Xorazmda xalq maorifi tizimi rivojlanishi: muammolar, vazifalar va natijalar	436
P.P.Norbo'tayev	
Epos va din	440
Z.B.Rahmonqulova, S.A.Hamrayev	
Ernazar Maqsud o'g'li elchiligiga oid tadqiqotlar tahlili	446
J.Sh.Museyibzada	
O'zbekiston tashqi siyosatidagi o'zgarishlar: xalqaro tashkilotlar orqali obro' va hamkorlikni mustahkamlashda faol ishtirok etish.....	453
M.R.Umirzakova	
Turkiston ASSRda soliqqa tortish masalalari.....	460

ARXELOGIK TADQIQOT METODIGA DOIR

О МЕТОДЕ АРХЕОЛОГИЧЕСКОГО ИССЛЕДОВАНИЯ

ABOUT THE METHOD OF ARCHAEOLOGICAL RESEARCH

A.A.Aloxunov¹

¹A.A.Aloxunov

— Farg'ona davlat universiteti Jahon tarixi kafedrasи
dotsenti, t.f.f.d. (PhD).

Annotatsiya

Mazkur maqolada arxeologik tadqiqot usullarining doimiy taraqqiy etib borishi natijasida qadimgi davr obyektlari, materiallari to'g'risidagi axborot manbai kengayib borayotganligi hamda arxeologiyaning ish uslubi – arxeologik qidiruv, arxeologik sinov hamda arxeologik qazish o'tkazish to'g'risidagi ayrim fikr-mulohazalar bayon qilingan.

Аннотация

В данной статье представлены рассуждения о том, что в результате непрерывного развития методов археологических исследований расширяются источники информации об объектах и материалах античного периода, а также некоторые мнения о таких методах археологических исследований, как археологическая разведка, археологические испытания и археологические раскопки.

Abstract

This article presents arguments that as a result of the continuous development of methods of archaeological research, sources of information about objects and materials of the ancient period are expanding, as well as some opinions about such methods of archaeological research as archaeological exploration, archaeological testing and archaeological excavations .

Kalit so'zlar: arxeologiya, madaniy qatlam, arxeologik qazishma, shurf, arxeologik dala ishlari, arxeologik laboratoriya, aerofotosurat, geofizik metod, geografik axborot tizimi.

Ключевые слова: археология, культурный слой, археологические раскопки, археологические полевые работы, археологическая лаборатория, аэрофотосъемка, геофизический метод, геоинформационная система.

Key words: archeology, cultural layer, archaeological excavation, archaeological fieldwork, archaeological laboratory, aerial photography, geophysical method, geographic information system.

KIRISH

Mustaqillik yillarda mamlakatimiz hududida qadimgi davrlardan boshlab rivojlangan qishloqlar, shaharlar va sivilizatsiya markazlarining boy o'tmishini arxeologik jihatdan tadqiq etish va tarixiy jarayonlarni tiklash bo'yicha muayyan ishlar amalga oshirildi. O'zbekiston hududi tosh davridan boshlab o'zlashtirilganligi, mamlakatimiz jahondagi ilk shaharsozlik va davlatchilik shakllangan markazlardan biri bo'lganligi, tariximiz va madaniyatimiz chuqr ildizlarga ega ekanligi ilmiy jihatdan asoslandi.

Fan, ta'lif va iqtisodiyotning jadal integratsiyalashuvida respublika hududida olib borilayotgan arxeologik tadqiqotlarni zamon talablari asosida yo'lga qo'yish, qazishmalarni keng ko'lamda tashkil etish, yoshlarni arxeologik izlanishlar bilan tanishtirish hamda ochilgan qadimiy noyob me'morchilik namunalarini ochiq osmon ostida muzeylar shaklidagi turizm obyektlariga aylantirish bugungi kunning muhim masalasi bo'lib qolmoqda[1].

Arxeologiya insonni o'rghanishning jadal integratsiyalashuvida respublika hududida olib borilayotgan arxeologik tadqiqotlarni zamon talablari asosida yo'lga qo'yish, qazishmalarni keng ko'lamda tashkil etish, yoshlarni arxeologik izlanishlar bilan tanishtirish hamda ochilgan qadimiy noyob me'morchilik namunalarini ochiq osmon ostida muzeylar shaklidagi turizm obyektlariga aylantirish bugungi kunning muhim masalasi bo'lib qolmoqda[1].

ADABIYOTLAR TAHLILI VA METODOLOGIYA

Bugungi kunda arxeologiya sohasi nihoyatda kengayib, murakkablashib bormoqda. Uning barcha sohalarini o'rghanib chiqishning o'zi murakkab. Shuning uchun arxeologlar ma'lum bir davr, ma'lum bir hudud yoki ma'lum bir yo'nalish bo'yicha ixtisoslashadilar. Hozirda arxeologiyaning geoarxeologiya, palinologiya, landshaft arxeologiyasi, harbiy, sanoat, suv ostidagi arxeologiya,

cho'kkani kemalarni o'rGANISH arxeologiyasi kabi yo'naliSHlari, shuningdek, arxebotanika, arxeozoologiya, etnoarxeologiya, eksperimental arxeologiya, astroarxeologiya va boshqa tarmoqlari ham mayjud.

Arxeologiya fani murakkab bo'lishi bilan bir qatorda, nihoyatda qiziqarli fan ham hisoblanadi. Yer ostida yashirinib yotgan moddiy buyumni topish, qayta tiklash va uni «gapirtirish» arxeologdan o'ziga xos mahoratni talab qiladi. Bu mahorat esa, yillar davomida shakllanib, rivojlanib, yuksak malaka va tajribaga aylanadi. Umuman olganda, arxeologiyada tarixni tiklash ko'p vaqt, ilm, bilim va mahorat talab etsa-da, bu yo'lda izlanish olib borayotgan olimlari safi yildan yilga kengayib bormoqda. Ularning sa'y-harakatlari tufayli o'tmisning ko'plab nomalum tomonlari ochilib, kashfiyotlar qilinmoqda. Bu esa, insoniyatning qo'nga kiritgan yutuqlarining samarasini ko'rsatmoqda.

NATIJALAR VA MUHOKAMA

Insoniyat tomonidan qadimda yaratilgan inshootlarning har qanday qoldiqlari, kishilar e'tiqodi va mehnat faoliyati bilan yaratilgan buyumlar, odamlarning moddiy va ma'naviy ehtiyojlarini qondirish uchun ishlab chiqarilgan barcha narsa-buyumlar arxeologik topilmalar deb ataladi. Chet el adabiyotlarida ular "artefakt"lar deb yuritiladi. Bunday tushuncha arxeologiya olamida 1976-yildagi "Tarixiy va madaniy yodgorliklardan foydalanish va ularni saqlash haqida"gi qonundan so'ng keng tarqaldi. Ushbu qonunning 1-moddasida arxeologik yodgorliklar sirasiga shahar xarobalari, qo'rg'onlar, qadimgi qishloqlar qoldiqlari, mudofaa devorlari, sug'orish inshootlari, qadimgi qabristonlar, tosh yodgorliklar, qoyatosh va devoriy suratlar, qadimgi buyumlar, qadimgi aholi manzilgohlaridan topilgan madaniy qatlamlar kiritilgan[4:8].

Madaniy qatlam arxeologiyaning asosiy tushunchalaridan biridir. Hozircha arxeologiya fani madaniy qatlamning shakllanishi haqida umumiylazariyaga ega emas, holbuki bu jarayonga bir-biriga bog'liq bo'limgan tabiiy va inson omillari katta ta'sir ko'rsatadi. Shunday bo'lsada, biz madaniy qatlamning shakllanishi haqida umumiytasavvur beruvchi yodgorliklar, ularning turli qatlamlarining xususiy tuzilishi haqida ham fikr yuritishimiz mumkin.

Arxeologik dala ishlarini o'tkazish va ilmiy hisobot hujjatlarini tayyorlash tartibi to'g'risidagi Nizomning oxirgi tahririga muvofiq madaniy qatlam – bu yer yoki suv ostidagi qatlam bo'lib, uning paydo bo'lishi vaqt yuz yildan ortiq bo'lgan va arxeologik ashyolardan iborat inson mavjudligining izlarini o'z ichiga oladi[7:5].

Arxeologik yodgorliklar bir yoki bir necha o'n madaniy qatlamdan iborat bo'lib, ularning qalinligi bir necha santimetrdan 30–35 metrgacha borishi mumkin[8:7]. Madaniy qatlam o'tmisimizning g'or va ungurlarida, daryo va ko'l bo'yalarida qad ko'targan makon va manzilgohlarda hosil bo'lgan madaniy qoldiqlarning jamiyat taraqqiyoti bilan bog'liq holdda davrma davr, ustma-ust joylashishini ifodalaydi. Odatda, arxeologik yodgorliklar bir yoki bir necha madaniy qatlamlar bo'lib, ularning joylashishi, gorizontlarga bo'linishi, ularda uchraydigan arxeologik topilmalarining xususiyati va davriyigiga qarab, ularning nisbiy va mutlaq yoshi aniqlanadi. Odamlar ma'lum joyda muayyan davrdagina yashasa bir madaniy qatlamlari yodgorlik hosil bo'ladi. Bir joyda davom etgan uzluksiz hayot esa ko'p madaniy qatlamlari yodgorliklarni vujudga keltiradi[13].

Madaniy qatlam murakkab o'zaro bog'liq tizim bo'lib, uni kompleks o'rganish zamonaviy arxeologiyani xazina qidirish va kolleksiya to'plash ishidan ajratib turadi. Faqat topilmalarni emas, balki butun arxeologik konteksti chuqur, har tomonlama o'rganishgina madaniy qatlamning shakllanish xususiyatlari, sharoitlari va vaqt haqida tasavvur berishi va pirovardida tarixiy haqiqatni aniqlashi mumkin. Madaniy qatlam kishilar faoliyatining qoldiqlarini o'rganish va shu qarorgohning tarixini tiklash maqsadida qaziladi.

Madaniy qatlam u yoki bu yodgorlikda shurf tashlash, keng ko'lAMDAGI qazish ishlari natijasida aniqlanadi. Shurf aslida nemischa so'z bo'lib, o'zbek tilida "qazimoq" degan ma'noni bildiradi. Shurf solish deyilganda yodgorlikdagi dastlabki qazish ishlari tushunilib, shurf tashlashdan asosiy maqsad madaniy qatlamni aniqlash va yodgorlik haqida dastlabki ma'lumot olishdir. Shurf ko'pincha kvadrat va to'g'ri to'rburchak shakllarida bo'lib, chuqurligi va kengligi madaniy qatlamga qarab har xil bo'lishi mumkin. Keng ko'lAMDAGI qazish natijasida madaniy qatlam to'la ochilib, inson faoliyatining izlari bo'limgan yergacha kovlab tushiladi, arxeologiyada u "materik" — bezovta qilinmagan yer deb ataladi[8:7].

TARIX

Arxeologni qiziqtirgan materiallar to'rtta kategoriya bo'linadi. Birinchisi, artefaktlar, ya'ni odamlar tomonidan yaratilgan yoki qayta ishlangan narsa-buyumlar, ya'ni turli mehnat, ov va jangovor quollar, sopol buyumlar, turli hunarmandchilik va zargarlik buyumlari, tangalar, uy-joy qoldiqlari va boshqalar. Ikkinci kategoriya arxeologik obyektlar kiradi. Arxeologik yodgorliklar davr va uning harakteriga qarab quyidagilarga ajratiladi:

- Manzilgohlar; makonlar, qishloqlar, shahar xarobalari.
- Qadimgi mozor-qo'rg'onlar, qabristonlar.
- Ishlab chiqarish bilan bog'liq bo'limgan joylar; konlar, ustaxonalar.
- G'or va ungurlar.

Arxeologlar mazkur topilmalar yordamida o'sha davr manzarasini, insonlarning yashash sharoitini, jamoada mavjud udumlar va qaysi taraqqiyot bosqichida turganliklarini aniqlaydilar[3:7].

Uchinchi kategoria – biologik qoldiqlar, yovvoyi tabiatga tegishli bo'lgan har qanday materiallar. Xususan suyaklar, chig'anoqlar, o'simlik gulchanglari, kuygan donalar va yog'ochlarning barchasi va boshqalar biologik qoldiqlardir. An'anaga ko'ra, artefaktga aylantirilgan biologik materiallar, masalan, suyakdan yasalgan ov va mehnat qurollari yoki paxta, ipak matolari biologik qoldiqlar hisoblanmaydi. Odamlar tomonidan foydalanimagan yoki qayta ishlanmagan, balki odamlar yashagan joyda saqlanib qolgan (biologik yoki boshqa) qoldiqlar ekofaktdir. Ekofakt – insonlarni qurshab turgan tabiiy-geografik muhit omillaridir. Qazilma biologik ekofaktlarga qadimgi o'simliklar gulchanglari, chig'anoqlar va hasharotlar qobig'i misol bo'la oladi. Ekofaktlar, asosan, arxeologik yodgorlik mavjud bo'lgan davrning tabiiy muhitini qayta qurish imkoniyatini beradi.

To'rtinchi kategoriya yodgorlik hududida to'plangan tuproq, tosh va boshqa geologik konlar kiradi. Ular orasida uning tabiiy muhiti va shakllanish tarixi haqida ma'lumot olishga imkon beruvchi muhim ekofaktlar mavjud. Konlarda parchalangan materialarning kimyoziy izlari ham bo'lishi mumkin. Cho'kma namunalarini olishda ko'pincha dalada aniqlash juda qiyin yoki imkonsiz bo'lgan biologik qoldiqlar va artefaktlar aniqlanadi. Shuning uchun arxeologiyada cho'kindi namunalarini keyinchalik laboratoriya tahlilidan o'tkazish uchun dalada olish odatiy holdir. Material qoldiqlari topilgan joylarning nisbiy holati ma'lum bo'lganda alohida ahamiyatga ega bo'ladi. Yog'och parchalanishining alohida bo'lagi, masalan, uy hayvonlarini bog'lash uchun ustun qoldiqlari bo'lishi mumkin; kichik doira ichida joylashgan bir nechta chirigan ustunlar ibridoiy uy yoki don omborini ko'rsatadi; chirigan ustunlarning katta oval shaklida ichki ustunlar izlari bilan joylashishi bu yerda yanada mustahkam jamoat tuzilmasi mavjudligidan dalolat beradi. Xuddi shu tarzda, ko'milgan odamning skeletining qorin bo'shilig'idan topilgan o'q uchi, bu odamning zo'ravonlik bilan o'limidan dalolat beradi[11].

Arxeologik tadqiqotlar tarixiy-madaniy yodgorliklarda olib boriladi. Arxeologik yodgorliklarning quyidagi turlari eng keng tarqalgan: aholi manzilgohlari, mozor-qo'rg'onlar, diniy va ishlab chiqarish faoliyati izlari mavjud bo'lgan hududlar.

Arxeologik tadqiqotlarning ikkita asosiy usuli mavjud – dala va kabinet (laboratoriya).

Odatda, arxeolog o'z vaqtini kutubxonada, dalada va laboratoriyanida ishlarga ajratadi. U o'z ishini o'zidan oldingi olimlarning tadqiqotlari bilan tanishishdan boshlaydi, so'ngra o'z tadqiqoti uchun ma'lumotlar yig'ish uchun dalaga boradi. Ushbu ma'lumotlarning ma'nosi ko'pincha u laboratoriya qaytib, ularni tahlil qilmaguncha noaniq bo'lib qoladi. Xuddi shunday materiallar to'plami, asosan, dala ishlari jarayonida amalga oshiriladi.

Dala tadqiqotlari yodgorliklarni qazish yoki buzilmaydigan usullar bilan aniqlash, tavsiflash va bevosita o'rganishni o'z ichiga oladi.

Dala tadqiqotlarida arxeologik ekspeditsiya va guruhlarning ish uslubi uch pog'onali bo'lib, arxeologik qidiruv, sinov va qazish ishlarini amalga oshirishdan iboratdir, uning vazifikasi yodgorlikning paydo bo'lgan davri, qancha yashagani, inqirozga yuz tutishi va boshqa xususiyatlarini aniqlash hisoblanadi.

Arxeologik qazishmalar arxeologik qidiruv va sinov natijasida qo'lga kiritilgan ma'lumotlarga tayanib, mazkur joyda yodgorlikni batamom qazib tugatishdan va yodgorlik haqida xulosalar chiqarishdan iborat bo'ladi[8:6].

Arxeologiyaning ish uslubi deganda, moddiy madaniyat yodgorliklari mavjud joyning tabiiy geografik tuzilishiga va ulardagi tarixiy-maishiy holatga qarab tadqiqot ishlarini belgilash zarur.

Bunda, birinchidan, arxeologik axtarish (rekognossirovka – arxeologiya qazuv ishlari olib borish uchun joyni oldindan tekshirib bilish)dan iborat bo'lib, unda ma'lum joyda qaysi turdag'i yodgorliklari: shahar xarobalari, qadimgi qabristonlar, maskanlar va boshqa yodgorliklarning borligini, ularning taxminiy davrlarini belgilab chiqiladi.

Ikkinchidan, arxeologik sinov (razvedka)da har bir yodgorlikni sinov tariqasida qisman qazib ko'rildi. Unda arxeologik yodgorlikda shurf tashlanadi.

Uchinchidan, muqim (statsionar) arxeologik qazish turli arxeologik tekshirishning yakunlovchi bosqichi bo'lib, unda sinab ko'rigan yodgorlik boshdan-oyoq batamom qazib tekshiriladi[6:48-49].

Demak, arxeologiyadan biri arxeologik yodgorliklarni qidirish, ochish va ilmiy o'rganish obyekti sifatida qayd etishdir. Bu vazifani arxeologik ilmiy tadqiqotning boshlang'ich protsedurasi arxeologik qidiruv (razvedka) bajaradi. Arxelogik yodgorliklarga razvedka qilish davlat tomonidan berilgan maxsus ruxsatnomasi (ochiq varaqasi) bilan mutaxassislar tomonidan o'tkaziladi.

Arxeologik qidiruvga tayyorlanish o'ziga xos reja talab qiladi. Nimani o'rganish, qaysi hudud, qancha vaqtga, qanday kuch bilan qazish haqida aniq reja tuziladi. Qidiruvga tayyorlanish paytida arxeologik yodgorliklar haqidagi avvalgi ilmiy hisobotlar, arxiv materiallari va nashr ma'lumotlar bilan tanishish kerak[9:22].

Yodgorliklarda o'tkazilgan ilgarigi qazishmalardan arxeolog to'la xabardor bo'lishi shart, agar aksincha bo'lsa, ikkinchi «ochilishi» yangilikka duch keladi. Tayyorgarlik ishlari o'rganilayotgan hududning geografik harakteristikasini o'rganishni ham o'z ichiga oladi. Xarita bo'yicha ekspedetsiyaning yo'nalishi, joyi va tadqiqot o'tkazish obyekti aniq ko'rsatilishi kerak.

Arxeologik ekspedetsiyaning har bir a'zosi qo'yilgan vazifalarni to'liq o'zlashtirishga tayyor va barcha qurollar bilan ta'minlangan bo'lishi kerak. Masalan, kundalik daftari, chizmalar uchun qog'ozlar, tarh chizish uchun qurollar, fotoapparat va plyonkalar, qadimgi topilmalarni tiklash va konservatsiya qilish uchun materiallar, o'lchash asboblari, kompas, nevelir, ruletka, kenglik va uzunlikni o'lchash asboblari bo'lishi kerak. O'rganilayotgan hududning yodgorligi haqida qidiruv paytida olingan ma'lumotlar asosida arxeolog quyidagi reja bilan dala tadqiqot ishlarini boshlashi mumkin:

Qadimgi yodgorlik haqida ilgarigi ma'lumotlar, adabiyotlardagi ma'lumotarni tekshirib ko'rish.

Yangi arxeologik yodgorliklarni o'rganish va ochish haqidagi ma'lumotlarni hududni tadqiq etish maqsadida tekshirish.

Topilgan yodgorliklarni qayd etish:

- a) Yodgorlikning joylashgan manzilini kundalikda qayd etish (tuman, qishloq nomi);
- b) Tarh va profilni chizish uchun yodgorlikning atrofi bilan umumiyoq ko'rinishida rasmga olish (xarobani o'rganishda albatta mudofaa inshoatlariga alohida; zovur, xandaq, o'tish joylarini e'tiborga olish shart);
- v) Yuqori qatlAMDAN terib olingan materiallarni yozish;
- g) Yodgorlikning tabiiy holati va o'zgaruvchanligini o'rganish;
- d) Manzilgohda madaniy yotqiziqlarni va ulardag'i topilmalarga oid ma'lumotlarni to'liq yozish, zamonaviy to'proq, qabr qatlamlari qayd etish;
- ye) qo'rg'onlarni tavsifini berganda, ularning hisobini tarh tuzilishi, o'rab turgan unsurlarni ham qayd etish kerak.

Yodgorlik haqida va barcha tasodifiy uchrangan topilmalar haqida mahalliy aholidan ma'lumot yig'ish va ularni xaritaga tushirish ham kerak[4:21-22].

Agar dala ishlari arxeologik materiallarni topishning asosiy usuli bo'lsa, laboratoriya tadqiqotlari ushbu materiallarni izohlash uchun zarur bo'lgan ma'lumotlarni olishning asosiy vositasidir. Laboratoriya ishining muhim qismi topilmalarni tozalash, ularni ro'yxatga olish, sertifikatlash va kataloglashtirishdir. Biroq, shundan keyingina o'tkazilgan tahlillar ularning mohiyati va ahamiyatini aniqlashga imkon beradi[12].

Arxeologik laboratoriya amaliyotida yuzlab usullardan foydalaniadi, ammo ularning hech biri biron bir tadqiqotda ishlatilmaydi.

Kabinet usullari orasida qiyosiy tipologik usullar eng ko'p qo'llaniladi. Ular universaldir, chunki ular alohida artefaktlarga ham, aholi punktlari va dafnlarga ham tegishli. Uning mantiqiy davomi arxeologik madaniyatlarni aniqlash va o'rganishdir. Bundan tashqari, trasologiya usuli qo'llaniladi. Qadimgi obyektlarning maqsadi va vazifalarini ulardag'i ish izlarini aniqlash orqali aniqlash imkonini

TARIX

beradi. Narsalarni yasash usuli ham belgilanadi. Bunga metallografiya, spektral tahlil, petrografiya, shuningdek, qadimgi jamoalar vakillari yashagan tabiiy sharoitlarni qayta tiklash (sporagulchanglarni tahlil qilish usuli) kabi usullar yordam beradi.

O'rganilgan artefaktlarning sanasini aniqlash imkonini beruvchi kabinet usullari ham mavjud.

Arxeologik yodgorliklarni o'rganishning zamonaviy usuli arxeologik va tabiiy fanlarni kompleks qo'llashga asoslangan. Tadqiqotlar majmuasiga quyidagilar kiradi:

- havodan suratga olish (aerofotosurat);
- geofizika;
- tuproq tadqiqoti.

Aerofotorazvedka metodi nafaqat arxeologik yodgorliklarni topish va xaritaga tushirish, balki geomorfologik metod yordamida muhim tadqiqotchilik vazifalarini yechishda muhim ahamiyat kasb etadi.

Qadimgi yodgorliklar zamonaviy qatlama ostida yashirinib yotar ekan, ularni kosmosdan kuzatganda ertalabki va oqshomdag'i quyosh nurlarida o'zgarishi, tuproqlarining rangi va ustidagi o'simliklarning harakteri bilan farqlanadi. Yodgorliklarning izlarini topishda mikrorelyef soyalari-ranglari muhim rol o'yndaydi. Qachon tuproq usti qalin o't-o'lanylari bilan qoplamagan bo'lsa, bu joylarda yodgorliklarni topish osonroq bo'ladi. Qadimgi Xorazmning sug'orilish tarixi, Orol bo'y qadimgi madaniyati shu tarzda o'rganildi. Qadimgi Xorazmning arxeologik yodgorliklari, antik davr shaharlari, kelt maydonlari xuddi shu yo'sinda topilgan. Aerofotorazvedka uchun erta bahor, yoki xazonrezgi-kuz paytlari qulay mavsum hisoblanadi[4:29].

Ushbu usullarni qo'llashning mohiyati shundaki, har bir keyingi usul oldingi tadqiqot usuli bilan olingen natijalarini tekshirishni ta'minlaydi va yodgorlik haqida qo'shimcha ma'lumot olish imkonini beradi. Masalan, aerofotosurat yordamida aholi punkti chegaralarini belgilaydigan landshaft chegaralari to'g'risida ma'lumot olish mumkin. Keyin termal tasvir kamerasi ishlatalidi. Bu chirindi qatlaming qalinligi va tarkibini tavsiflovchi yer yuzasining harorat taqsimotini tuzatishga imkon beradi.

Dala tadqiqotining yakuniy bosqichi arxeologik qazishmalardir. Birinchidan, ular uchuvchisiz uchish apparati (drone), geofizik va tuproq tadqiqotlari yordamida so'rov natijalarini qiyosiy tahlil qilish asosida olingen prognozni tekshirish uchun kerak. Ikkinchidan, arxeologik qazishmalar tarixiy va madaniy rekonstruksiyalarni amalga oshirish uchun zarur, masalan, inshootlar tipologiyasini, ularning dizayn xususiyatlarini, aholi manzilgohining rivojlanish bosqichlarini aniqlash, hayotni ta'minlash tizimlarini rekonstruksiya qilish va hokazo.

Aynan tabiiy fanlar ma'lumotlari va qazishmalar davomida olingen ma'lumotlar majmuasini qiyosiy tahlil qilish natijasida arxeologlar madaniy qatlama va saqlanib qolgan tuzilmalar mavjudligini isbotlaydilar.

Fanlararo tadqiqotlar turli xil ma'lumotlarni olish imkonini beradi, chunki aerofotosurat o'nlab kvadrat kilometrlarni, geofizika va tuproqni o'rganish – minglab kvadrat metrlarni, qazish ishlari esa yuzlab kvadrat metrlarni qamrab oladi[10].

Hozirda arxeologik tadqiqot usullarining doimiy taraqqiy qilib borishi natijasida qadimgi davr obyektlari haqidagi axborot manbai ancha kengaydi. Umumlashgan madaniy-davriy sxemalar yaratish, yodgorliklar materiallarini yangi, ancha takomillashgan holda tahlil qilish imkonini vujudga keldi[5:7-8].

Yurtimizda besh mingga yaqin arxeologik yodgorlik mavjud bo'lib, ularni zamonaviy geofizik, biologik, fizik-kimyoiy texnologiyalarni qo'llagan holda tadqiq etish va arxeologik qazib olish ishlari asosan xorijiy ekspeditsiyalar mutaxassislari ko'magida bajarilmoqda. Mamlakatimiz hududidagi qadimgi davrga oid arxeologik yodgorliklarning aksariyat qismi xom g'isht va paxsadan qurilgan me'moriy inshootlar ekanini inobatga olsak, ularning paleolandshafti va planigrafisini aniqlashda mahalliy o'ziga xos geofizik uskunalar ishlab chiqish zarurati sezilmoqda. Jumladan, bu sohada milliy kadrlar tayyorlash, ularda amaliy ko'nikmalarini shakllantirish va malakasini oshirish talab etiladi.

Yodgorliklarni an'anaviy usullar bilan birga zamonaviy geofizik metodlarni qo'llagan holda tadqiq etish mumkin. O'rganishlar yodgorlikning madaniy qatlamin geofizik tadqiq qilish, uning tarh tuzilishi va alohida arxeologik obyektlarni qazish joyini maqsadli tanlash uchun obyektni o'rganish nuqtai nazaridan katta ma'lumot beradi[14].

Arxeologiyada ham boshqa sohalarda bo'lgani kabi geografik axborot tizimi (GAT) ning sermahsul qo'llanilishini yer yuzini sun'iy yo'ldoshlardan foydalangan holda tadqiq etish usullarlisiz tasavvur etib bo'lmaydi. Kosmik texnikaning yaratilishi va jadal sur'atlar bilan rivojlanishi natijasida yer yuzini masofadan tadqiq etish usullari geografik axborot texnologiyalarida keng qo'llanila boshlandi. Yer yuzini masofadan tadqiq etish bu alohida ilmiy yo'nalish bo'lib, yer yuzi va undagi obyektlar haqida ma'lumotlar to'plashga asoslanadi.

Bugungi kunda arxeologik obyektlarni ma'lum bir hududga bog'lash axborot texnologiyalari sohasidagi yangi yo'nalish, ya'ni geografik axborot tizimining arxeoliya sohasida keng qo'llanilishini taqozo etmoqda. GAT yordamida qadimgi tarixiy xaritalarni o'rganish, arxeologik yodgorliklar tarhini tuzish yoki ma'lum bir geografik hududlarning arxeoliyaga oid ma'lumotlar tizimini yaratish imkoniyati vujudga kelmoqda. Shuningdek, GAT nafaqat arxeologik topilmaning hududiy joylashuvi balki, yodgorliklar, arxeologik madaniyatlarning yoyilish hududini ham aniqlash borasidagi muammolarni bir qadar yechish imkonini beradi[2:24-28].

XULOSA

Xulosa qilib aytganda, har qanday arxeologik qazishmalarning maqsadi nafaqat biron bir arxeologik yodgorlikni topish, balki qadimgi jamiyatning madaniy, siyosiy, iqtisodiy hayoti tasvirini tushunishga imkon beradigan tarixiy haqiqatni aniqlashdir. Shu bilan birga, qazish jarayonining o'zi ham o'ziga xos va betakror bo'lib, tadqiqotchi zimmasiga alohida mas'uliyat yuklaydi. Shu o'rinda ta'kid joizki, arxeoliya fani tarix, etnografiya, san'atshunoslik, sotsioliya kabi ijtimoiy fanlar, shuningdek, bir qator yordamchi fanlar – epigrafika, numizmatika, sfragistika, geraldika bilan yanada chambarchas bog'langan. Shuning uchun fanlararo usullar va qazish ma'lumotlaridan foydalilaniladigan arxeologik yodgorliklarni har tomonlama o'rganish o'rganilayotgan obyekt haqida to'liq ma'lumot olish imkonini beradi. Turli usullar natijasida olingan ma'lumotlarni taqqoslash va arxeologik obyektlarni har tomonlama tahlil qilish imkoniyati talqinining yuqori darajadagi ishonchiligini ta'minlaydi.

ADABIYOTLAR RO'YXATI

1. O'zbekiston Respublikasi Vazirlar Mahkamasining qarori, 21.09.2019 yildagi 792-soni. <https://lex.uz/docs/4524476> // Resolution of the Cabinet of Ministers of the Republic of Uzbekistan, No. 792 of 21.09.2019. <https://lex.uz/docs/4524476>.
2. Annayev J.T. Arxeologiyada masofadan tadqiq etish usullari. O'zbekiston tarixini o'rganishda raqamli texnologiyalarning ahamiyati xalqaro ilmiy-amalii anjuman. – Toshkent, 2022. – B. 24-28.// Annayev J.T. Remote research methods in archaeology. The importance of digital technologies in studying the history of Uzbekistan is an international scientific and practical conference. – Tashkent, 2022. – P. 24-28.
3. Egamberdieva N.A. Arxeoliya. –T.: «Fan va texnologiya», 2011. – 176 b.// Egamberdieva N.A. Archaeology. - T.: "Science and technology", 2011. – 176 p.
4. Holiqov Z. Arxeologik topilmalarga ishlov berish. O'quv-uslubiy qo'llanma. – Termiz, 2010. –39 b.// Holikov Z. Processing of archaeological finds. Educational manual. - Termiz, 2010. – 39 p.
5. Jo'raqulova D. Mustaqillik yillarda O'zbekistonda paleolit davrining o'rganilishi. – T: O'zR FA «Fan» nashriyoti davlat korxonasi, 2019. –240 b.// Jorakulova D. Study of the Paleolithic period in Uzbekistan during the years of independence. - T: State enterprise "Fan" publishing house of the Republic of Uzbekistan, 2019. –240 p.
6. Xolbo耶v Z.T., Aqchayev F.Sh., Eshbekova D.T., Eshbekova G.T. Tarix fanlaridan laboratoriya mashg'ulotlarini bajarish usullari (O'quv-uslubiy qo'llanma). – T.: Mumtoz so'z, 2016. – 148 b.// Kholbo耶v Z.T., Aqchayev F.Sh., Eshbekova D.T., Eshbekova G.T. Methods of performing laboratory exercises in historical sciences (Educational manual). – T.: Mumtoz Soz, 2016. – 148 p.
7. Бунин Д.С. Археология. Методы археологического исследования. Классическая археология: учеб. пособие. – Владимир : Изд-во ВлГУ, 2016. – 96 с. // Bunin D.S. Archeology. Methods of archaeological research. Classical archeology: textbook. allowance. - Vladimir: Publishing House of the VIGU, 2016. – 96 p.
8. Кабиров Ж., Сагдулаев А. Ўрта Осиё археологияси: Олий ўқув юрт. студ. учун кўлланма. — Т.: Ўқитувчи, 1990. –160 б. // Kabirov J., Sagdullaev A. Archeology of Central Asia: University. stud. guide for — T.: Teacher, 1990. -160 p.
9. Мартынов А.И., Шер Я.А. Методы археологического исследования: Учеб. пособие для студентов вузов. – М.: Высш. шк., 1989. – 223 с. // Martynov A.I., Sher Ya.A. Methods of archaeological research: Proc. allowance for university students. - M .: Higher. school, 1989. – 223 p.
10. Снежана Шахова. Современная методика комплексных исследований археологических памятников: привлечение материалов смежных наук // Образовательный портал «Справочник». — Дата написания статьи: 28.11.2022. — URL <https://spravochnick.ru/arheologia/sovremenennaya> metodika kompleksnyh issledovaniy arheologicheskikh pamyatnikov privlechenie materialov smezhnyh nauk/ (дата обращения: 19.04.2023).// Snejhana Shakhova. Modern methodology for complex research of archaeological sites: attraction of materials from related sciences // Educational portal "Spravochnik". — Date of writing the article: 11/28/2022. — URL <https://spravochnick.ru/arheologia/sovremenennaya> metodika kompleksnyh issledovaniy arheologicheskikh pamyatnikov privlechenie materialov smezhnyh nauk/ (date of access: 04/19/2023).
11. https://dic.academic.ru/dic.nsf/enc_colier/3376/Археология
12. <https://studfile.net/preview/7006575/page:5> Методы и приемы кабинетных блин исследований
13. https://uz.wikipedia.org/w/index.php?title=Madaniy_qatlam
14. [https://yuz.uz/news/Arxeologik yodgorliklarni o'rganishda zamonaviy usullar](https://yuz.uz/news/Arxeologik_yodgorliklarni_o'rganishda_zamonaviy_usullar)